



Neriniartitsivinni neriniartitsinerup naatitanut nungusaataangitsumik ingerlanneqarsinnaanera pillugu Naalakkersuisut misissueqqullugit peqquneqarnissaannik Inatsisartut aalajangiiffigisassaattut siunnersuut. Misissuinermi ullumikkut uumasuutitut neriniartitsiviusut nunaminertallu taakkua qanittuaniittut ilanngullugit nalilersorneqassapput uumasut qassit naasoqassutsip nammassinnaaneraa, taamaalilluni piffissaq sivilunerusoq eqqarsaatigalugu tunisassiorsinnaaneq pitsaanerpaaq qulakkeerumallugu. Misissuinermi inerniliussaq UPA-2018-imi saqqummiunneqassaaq.
(Inatsisartunut ilaasortaq Suka K. Frederiksen, Siunut)
(Siullermeenera)

Naasorissaasup narsaat naatitsivini uumasuuteqarfiniluunniit kisimi ilisimasaqarfigaa. Kialluunniit angallatillip angallatini nalunnginnerpaavaa. Aamma kialluunniit ulloq nalusarpaa seqineq nuitinnagu.

Nunalerineq tunngaviusumik niuertarfiuvoq. Narsaatit ataasiakkaat qanoq ivigartorfiutigissanerannut ivigartarfiutigissanerannullu apeqqut naasorissaasumut ilisimassallugu qitiulluinnarpoq. Aamma taamatut apeqqutaavoq illoqarfiit arlaannut punnerup qanoq annertutigisup tunineqarsinnaanera eqqarsaatigalugu. Naasorissaasulli nammineq suliassaraa paasissallugu, narsaatini qanoq pitsaanerpaamik aqussanerlugit, inuiaqatigiit suliassarinnigilaat.

Demokraatini isumaqarpugut narsaatit qanoq ivigartorfiutigisinnaanerannut ivigartarfiutigisinnaanerannullu apeqqut nunalerinermit siunnersuisoqarfiup suliassarigaa aamma tamatumunnga aningaasaliissutissat nunalerinermit siunnersuisoqarfimmut aningaasaliissutit iluanni nassaarisariaqartut. Aamma isumaqarpugut Inatsisartut suliassarinnigikkaat ingerlatseqatigiiffiit ataasiakkaat Namminersorlutillu Oqartussat ataanni kiffartuussiviit ataasiakkaat qanoq sulissanersut aqussallugit,

Taamatut oqaaseqarluta siunnersuutip itigartinneqarnissaa inassutigaarput.